

„Avaz“ saznaje Političkim liderima predstavljen paket promjena

# Šta se sprema u Butmiru?

Svaki konstitutivni narod imaće više nego gorku pilulu pred sobom

Usaglašeni paket promjena Ustava i niza zakona u BiH je spreman i sinoć je prezentiran političkim liderima koji su se odazvali sastanku u vojnoj bazi EUFOR-a u Butmiru.

Kako saznaje „Dnevni avaz“, riječ je o dosta širokom paketu promjena u kojem za svaki narod postoji više teških izazova koje treba prihvatiti, ali i nagrada za saradnju.

## Promjene u državi

Prema našim informacijama, političkim liderima ponuđeno je, između ostalog, da prihvate da na državnom nivou bude udvostručen broj poslanika u oba doma Parlamenta, da državna vlada, najvjero-

## EUFOR i OHR

Evropski koncept predviđa da će OHR biti ugašen do kraja godine, a EUFOR iz BiH povučen u roku od šest do devet mjeseci nakon toga. Ne isključuje se ni mogućnost da zajedno s ove dvije organizacije BiH napuste i strani sudije i tužioc. Time bi se od Dodika mogao dobiti pristanak za bitno reduciranje ili ukidanje entitetskog glasanja.


Bošnjačkim liderima EU će morati dati više nego čvrste garancije da ured koji će naslijediti OHR neće biti tako katastrofalno loš, kao što su brojne organizacije EU prisutne u BiH i na Kosovu.

vatnije, bude povećana za dva do tri ministarstva, da premijer (njegova dva zamjenika) bude ojačan nauštrb ovlaštenja Predsjedništva BiH, u kojem bi bila inaugurirana pozicija predsjednika s dva zamjenika.

Bi li se članovi Državnog predsjedništva rotirali na poziciji predsjednika ili ne, stvar je unutarbosanskog dogovora. Iz više izvora i iz Vašingtona i iz Brisela potvrđeno nam je i da „EU i SAD žele normalnu, funkcionalnu, evropsku BiH“, uvažavajući neke njene specifičnosti. No, ne želi se dopustiti da se te

## Pitanje popisa i povratka prognanih

Neki od naših sagovornika tvrde da će se u paketu pred bh. liderima naći prijedlog da se 2012. godine obavi popis, s nacionalnom i vjerskom odrednicom, te sveobuhvatni paket podrške povratku. Taj dogovor Do-



Faksimil dijela aprilskog paketa: Izvlače se razumna rješenja

## Mostar, Sarajevo i Brčko

Špekulira se i da bi za hrvatske glasove u Državnom parlamentu, političkim predstavnicima tog naroda moglo biti ponuđeno da Mostar bude glavni grad Federacije BiH i da u njemu bude sjedište RTV kanala na hrvatskom jeziku. Sarajevo bi moglo biti ujedi-

njeno (dakle, uključenje i Istočnog Sarajeva) i cijelim gradom u početku bi upravljala neka vrsta „lake“ administracije, s tendencijom jače integracije grada.

Neki naši izvori upozorili su da se u paketima ne tretira Brčko te to tumače predajom tog grada RS.

specifičnosti, kao do sada, zloupotrebljavaju za razne blokade i opstrukcije.

U tom smislu, vrlo su glasni zahtjevi s obje strane Atlantika da tzv. entitetsko glasanje u Predstavni-

ku je provedu ponuđena rješenja. U slučaju neuspjeha, Brisel i Vašington namjeravaju imenom i prezimenom označiti krivce za neuspjeh i to adekvatno sankcionirati!

U okviru promjena Ustava

## Hrvatski glasovi u vlasti

Špekulira se i opcijom da u ustave nivoa vlasti ispod države bude ugrađena odredba da se za svaku odluku u izvršnoj vlasti

mora imati glas po jednog iz sva tri konstitutivna naroda. To bi Hrvatima u FBiH omogućilo da ojačaju svoju poziciju i utjecaj.

kom domu Parlamenta BiH bude ili bitno reducirano ili čak i ukinuto! To bi mogla biti više nego gorka pilula za bosanske Srbe, i Brisel i Vašington već su spremni na više nego bijesnu Dodikovu reakciju.

IEU i SAD dale bi bh. političkim liderima priliku da u narednih mjesec dana kroz zakonodavne instituci-

BiH bit će izbrisane odredbe koje diskriminiraju birače, zavisno od toga u kojem entitetu žive.

## Aprilski paket

Prema nekim tvrdnjama, ustavne promjene temeljit će se na „razumnim rješenjima iz aprilskog paketa“. Kada je riječ o zakonima, trebalo bi doći do znatnih izmjena Izbornog zakona BiH te rješavanja pitanja vojne i državne imovine.

Upravo na pitanju državne imovine Bošnjake čeka više nego gorka pilula. Mogući koncept je da će većina te imovine pripasti entitetima, a da će država biti vlasnik samo onoga što koristi u ovom momentu.

No, predlaže se i odredba da država može, za potrebe integracija u međunarodne i regionalne institucije, uzeti od vlasnika na nižim nivoima vlasti kompetencije i imovinu, uz pravičnu naknadu za oduzete objekte. Ako se riješi pitanje vojne imovine, BiH će dobiti Akcioni plan za članstvo u NATO-u, ali ne i obećanje da će do kraja 2011. godine ući u taj vojni savez.

Bh. liderima za kooperativnost već nude ukidanje viznog režima i status kandidata za EU možda čak i do kraja - opet - naredne godine.

Istraživački tim „Dnevnog avaza“

## Komentar dana

Piše: Adi HADŽIARAOVIĆ (adi@avaz.ba)



## Ploče u Estoniji

Iako „Naftnim terminalima“ prijete stečaj, članovima Vlade FBiH bitnije je ko će sjesti u avion za Talin da tamo odgleda utakmicu

Umjesto da „Naftni terminali FBiH“ (NTF) budu državna zlatna koka, koju bi za skladištenje i transport goriva koristila i šira regija, Vlada Federacije BiH je jednostavno dopustila nesposobnom ministru industrije Vahidu Heći da za interese dijela osoba iz Stranke za BiH koje direktno odgovaraju samo Harisu Silajdžiću, ovaj resurs dovede do stečaja.

Nakana Heće i njemu odanih apartčika, koji su zaslijepljeni ponudama ruskog „Lukoila“ lakrdijaški imenovali sami sebe „na kraći period“ za članove Nadzornog odbora „Terminala FBiH“, koji su vlasnik NTF-a, još jednom pokazuje i nemoć stranački rastrzane Federalne vlade da uspostavi kontrolu nad kompanijama u kojima je vlasnik.

Da je drugačije, ne bi jedan Hećo postavio nezakonite nadzorne odbore i u „BH-Gasu“, „Hidrogradnji“, „Energoinvestu“, „Terminalima FBiH“, cjelokupnoj namjenskoj industriji... Ozbiljna izvršna vlast, također, ne bi dozvolila da jedan telekom operater poput „HT-a Mostar“ nema upravu već četiri mjeseca.

Mada NTF-u prijete stečaj, nakon kojeg država može ostati bez desetina miliona eura vrijedne imovine u hrvatskoj Luci Ploče (nije je izgubila ni tokom agresije), a građani zbog nekorštenja tog i resursa željeznice, kao i promašene privatizacije „Energopetrola“, plaćaju skuplje gorivo, članovima Federalne vlade bitnije je ko će sjesti u avion za Talin. Tamo hoće da gledaju nastup reprezentacije BiH protiv Estonije.


Umjesto toga, pametnije bi im bilo da kolektivno odu u Ploče i konačno riješe problem koji su sami napravili dozvoljavajući da državnom imovinom upravljaju nesposobni stranački kadrovi, čiji potezi prijete da unište i ono malo vrijednih resursa BiH.

► PORTAL [www.dnevniavaz.ba](http://www.dnevniavaz.ba)

## Javnost ne očekuje pomake od sastanka u Butmiru

Pitanje: Očekujete li pozitivne pomake od sastanka lidera političkih partija o ustroju BiH zakazanog u Butmiru u organizaciji SAD i EU?

- A) DA 27%
- B) NE 69%
- C) Ne znam 4%



## Navodni bošnjački lobisti

Kako je jučer objavila agencija Srna, „paket“ sadrži revidirani tzv. aprilski paket, dopunjen radovima bošnjačkih aktivista i lobista. Pozivajući se na izvore bliske Bijeloj kući, Srna navodi da su među najznačajnijim imenima koja su radila na dokumentima Morton Abramovič, ame-

rički diplomata i savjetnik albanske delegacije tokom pregovora u Rambujeu, Džim O'Brajen (Jim O'Brian), bivši funkcioner Klintonove administracije, Danijel Server (Daniel Serwer) iz Instituta za mir te Kurt Basiner (Bassuener), Ed Džozef (Joseph) i Džim Huper (Jim Hopper).

O aktuelnim pitanjima u BiH i svijetu možete glasati svakog dana na [www.dnevniavaz.ba](http://www.dnevniavaz.ba). Na portalu „Dnevnog avaza“ jučer je „Google Analytics“ zabilježio 99.985 posjetilaca.